



SLUŽBENE NOVINE OPĆINE ZENICA

GODINA XXXVI
Broj 8

Četvrtak, 16.12.2010.godine
Zenica

ISSN 1840-4588

VIJEĆE OPĆINE

87.

Na osnovu člana 13. Zakona o osnovnim principima lokalne samouprave («Službene novine ZE-DO kantona», broj: 49/ 06), člana 56. Statuta općine Zenica («Službene novine općine Zenica», broj: 4/08) i člana 3.Odluke o organizaciji mjesne samouprave («Službene novine općine Zenica», broj: 1/10) Vijeće općine Zenica na 24. sjednici održanoj dana 02. decembra 2010. godine, donosi

- prema naseljenom mjestu Putovičko Polje granica ide od naprijed opisane tromeđe ka sjeveru uz kosu do muslimanskog groblja Obornica (koje spada u Tišinu). Odatle nastavlja niz cestu Tišina – Dolača do ulice Bistua Nova, nastavlja ovom ulicom ka Perinom Hanu do potoka Kula /kod Hanova/ gdje je tromeđa naseljenih mjesta Tišina, Putovičko Polje i Mutnica.

ODLUKU O OSNIVANJU MJESNE ZAJEDNICE «TIŠINA»

Član 1.

Osniva se mjesna zajednica «Tišina» za područje naseljenog mjesta Tišina.

Član 2.

Granica mjesne zajednice «Tišina» obuhvata :

- prema naseljenom mjestu Mutnica granica ide od tromeđe naseljenih mjesta Tišina, Putovičko Polje i Mutnica koja se nalazi na mjestu gdje potok Kula prelazi ulicu Bistua Nova /kod Hanova/, nastavlja uz potok Kula do raskršća puteva na mjestu zv. Perin grm, a od tog raskršća ide dalje uz kosu ka istoku do kuće Kuprešak ud. Miloša Stoje/ista spada u Tišinu/, a odatle nastavlja dalje putem prema istoku/između potesa Slad i Vrtače/ do raskršća puteva zv.Pode, gdje je tromeđa naseljenih mjesta Tišina, Mutnica i Mošćanica,
- prema naseljenom mjestu Mošćanica granica ide od naprijed opisane tromeđe ka jugozapadu niz potes Latice i kroz šumu društvene svojine zv. Zalomi na raskršće puteva Osječenič, gdje je tromeđa naseljenih mjesta Tišina, Mošćanica i Putovići,
- prema naseljenom mjestu Putovići granica ide od naprijed opisane tromeđe putem ka Tišini do potoka Mlinica, nastavlja niz potok Mlinica do arheoloških iskopina na mjestu zv. Mlinčić.gdje se nalazi tromeđa naseljenih mjesta Tišina, Putovići i Putovičko Polje,

Član 3.

Sjedište mjesne zajednice je u prostoriji društvenog doma «Tišina».

Član 4.

Mjesna zajednica ima pečat.Pečat je okruglog oblika, veličine 30 mm u prečniku, a sadrži ispisan tekst u koncentričnim krugovima.

Član 5.

Po uspostavljanju registra mjesnih zajednica, Savjet mjesne zajednice, svojom odlukom opredjelit će lice koje će biti ovlašteno za podnošenje prijave za upis mjesne zajednice «Tišina» u registar mjesnih zajednica.

Član 6.

Sredstva za rad mjesne zajednice odnosno sredstva za obavljanje poslova koji su povjereni mjesnoj zajednici obezbjeđuju se u Budžetu upćine.

Mjesna zajednica može osigurati prihode za svoje aktivnosti iz:

- sredstava samodoprinosu,
- sredstava koje MZ ostvari svojom aktivnošću i pružanjem usluga u skladu sa pozitivnim propisima,
- sredstava od imovine koja pripada MZ, od donacija, pomoći i poklona pravnih i fizičkih lica dodjeljenih u skladu sa pozitivnim propisima.

Član 7.

Ova odluka stupa na snagu danom donošenja i objavit će se u «Službenim novinama općine Zenica».

Broj:01-01-18724/10
Zenica, 02. 12. 2010. godine

PREDSJEDAVALJUĆI
VIJEĆA OPĆINE ZENICA
Nebojša Nikolić, s.r.

88.

Na osnovu člana 69. i 72. Satuta općine Zenica («Službene novine općine Zenica», broj: 4/08) i člana 3. Odluke o organizaciji mjesne samouprave («Službene novine općine Zenica», broj: 1/10) Vijeće općine Zenica na 24. sjednici održanoj dana 02. decembra 2010. godine, donosi

O D L U K U
O RASPISIVANJU IZBORA ZA SAVJET MZ
«TIŠINA»

Član 1.

Raspisuju se izbori za članove Savjeta MZ «Tišina». Savjet MZ «Tišina» ima 5 članova.

Članove Savjeta MZ biraju građani sa područja MZ koji su upisani u izvod iz biračkog spiska za tu MZ, neposredno na zboru građana, javnim glasanjem.

Član 2.

Izbori za Savjet mjesne zajednice «Tišina» održaće se na dan 15.12.2010 g.

U slučaju da se izbori za Savjet MZ «Tišina» iz objektivnih razloga ne mogu održati na dan 15.12.2010 g., Radno predsjedništvo za provođenje izbora utvrdiće novi termin održavanja izbora najkasnije u roku od 15 dana.

Član 3.

Predlagači kandidata za članove Savjeta MZ «Tišina» (građani, političke stranke, druge organizacije i udruženja koja djeluju na području MZ) dostaviće svoje prijedloge Radnom predsjedništvu putem Stručne službe Vijeća i Načelnika - Odsjek za poslove MZ, najkasnije do 10.12.2010 g.

Predlagači kandidata za članove Savjeta MZ «Tišina» su dužni uz prijedloge dostaviti i potpisane izjave kandidata o prihvatanju kandidature.

Član 4.

Prilikom predlaganja i izbora članova Savjeta mora se voditi računa da sastav članova odražava približno nacionalnu strukturu stanovništva, te da spolovi budu ravnopravno zastupljeni.

Član 5.

Vijeće općine će rješenjem imenovati članove Radnog predsjedništva za sprovođenje izbora u MZ «Tišina».

Član 6.

Vrijeme i mjesto održavanja zbora građana utvrdit će Stručna služba Vijeća i Načelnika u saradnji sa Radnim predsjedništvom i mjesnom zajednicom.

Član 7.

Rezultate izbora za članove Savjeta MZ «Tišina» potvrdit će Vijeće općine Zenica.

Član 8.

Ova odluka stupa na snagu danom donošenja i objavit će se u «Službenim novinama općine Zenica».

Broj:01-01-18724/10-1
Zenica, 02. 12. 2010. godine

PREDSJEDAVALJUĆI
VIJEĆA OPĆINE ZENICA
Nebojša Nikolić, s.r.

89.

Na osnovu člana 69. Satuta općine Zenica («Službene novine općine Zenica», broj:4/08) i člana 5. Odluke o raspisivanju izbora za Savjet MZ «Tišina», Vijeće općine Zenica na 24. sjednici održanoj dana 02. decembra 2010. godine, donosi

RJEŠENJE

o imenovanju članova Radnog predsjedništva za
provođenje izbora za Savjet MZ «Tišina»

I

U Radno predsjedništvo za provođenje izbora za Savjet MZ «Tišina» koji će se održati dana 15.12.2010. godine, imenuju se:

1. IMAMOVIĆ FAHIR,
2. NOVALIĆ KASIM,
3. TUTMIĆ ŠEFIK.

II

Vrijeme i mjesto održavanja zbora građana utvrdit će Stručna služba Vijeća i Načelnika u saradnji sa Radnim predsjedništvom i mjesnom zajednicom.

III

U slučaju spriječenosti iz opravdanih razloga (bolest i sl.) pojedinih članova Radnog predsjedništva, izvršiće se izmjene na način da predsjednici klubova vijećnika dostave Stručnoj službi Vijeća i Načelnika kandidata koji će zamjeniti njihovog predstavnika.

IV

Ovo rješenje stupa na snagu danom donošenja i objavit će se u «Službenim novinama općine Zenica».

Broj:01-01-18724/10-2
Zenica, 02. 12. 2010. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.
.....

90.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08) i člana 37. Poslovnika Vijeća općine Zenica («Službene novine općine Zenica», broj:2/10) Vijeće općine Zenica na 24. sjednici održanoj 2. decembra 2010. godine, donijelo je

ODLUKU**o dodjeli mandata kandidatima za predsjednika i članove savjeta MZ****Član 1.**

Zbog prestanka mandata predsjednika MZ «Donja Gračanica» DODJELJUJE SE MANDAT **Bošnjak Semrudinu** kao sljedećem po broju glasova, a zbog podnošenja ostavke predsjednika MZ Sivac Envera, jer su kandidati Skender Sanida, Sivac Mensur i Šakić Stanislav po završenim izborima u MZ dostavili izjave da odustaju od funkcije predsjednika MZ.

Član 2.

Zbog prestanka mandata članova savjeta pojedinih mjesnih zajednica DODJELJUJE SE MANDAT sljedećim kandidatima sa listi za izbor savjeta u sljedećim mjesnim zajednicama:

1. U MZ »Blatuša» **Jošić Nikoli** kao sljedećem po nacionalnom principu ,a zbog preseljenja člana Savjeta Marković Milijana na područje druge MZ i **Kokić Hidajetu** kao sljedećem po broju glasova, a zbog 3 uzastopna izostanka člana Savjeta Javoraš Amara.

2. U MZ «Lokvine» **Smriko Murisu** kao sljedećem po teritorijalnom principu, a zbog podnošenja ostavke člana Savjeta Smriko Samire.
3. U MZ «Vražale» **Hrgić Stjepanu** kao sljedećem po nacionalnom principu, a zbog podnošenja ostavke člana Savjeta Sićanica Ivice.
4. U MZ « Donja Gračanica» **Bošnjak Nerminu** kao sljedećem po broju glasova i teritorijalnom principu, a zbog smrti člana Savjeta Dizdar Ahmeda i **Dizdar Senadu** kao sljedećem po broju glasova, umjesto člana Savjeta Sivac Envera.

Član 3.

Ova odluka stupa na snagu danom donošenja i objaviće u «Službenim novinama općine Zenica».

Broj:01-01-18731/10
Zenica, 2. decembar 2010. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.
.....

91.

Na osnovu člana 22. tačka 11. i člana 116. stav 2. Statuta općine Zenica („Službene novine općine Zenica“, br. 4/08), Vijeće općine Zenica na 24. sjednici održanoj 02. decembra 2010. godine, donijelo je

R J E Š E N J E
o izmjeni Rješenja o utvrđivanju novih naziva ulica, bulevara, trgova i mostova

I

U Rješenju o utvrđivanju novih naziva ulica, bulevara, trgova i mostova („Službene novine općine Zenica“, br. 4/06-prečišćen tekst, 5/06 i 3/09) tačka III u naslovu „BULEVARI“ alineja prva, mijenja se i glasi:

Red. br.	Dosadašnji naziv	OPIS	Red br.	Novi naziv ulice	OPIS
1	2	3	4	5	6
	Bulevar Kulina Bana	Od Bojina vira do Podvožnjaka ispred naselja Blatuša	1. 2.	Bulevar Ezhera Eze Arnautovića Bulevar Kulina Bana	Od Bojina vira do Kamberovića mosta Od Kamberovića mosta do Podvožnjaka ispred naselja Blatuša

II

Ovo rješenje stupa na snagu danom objavljivanja u „Službenim novinama općine Zenica“.

Broj: 01-01-18725/10
Zenica, 02. 12. 2010.godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.

.....

92.

Na osnovu člana 22. Statuta općine Zenica („Službene novine općine Zenica“, br. 4/08), Vijeće općine Zenica na 24.sjednici održanoj 02. decembra 2010. godine donijelo je

R J E Š E N J E **o formiranju bezbjednosnog foruma općine Zenica**

I

S ciljem realizacije saradnje između općine Zenica i UNDP-a u okviru projekta bezbjednijih zajednica i jačanja bezbjednosnih kapaciteta općine Zenica formira se Forum za bezbjednost zajednice općine Zenica, u slijedećem sastavu:

1. Nebojša Nikolić, predsjedavajući Vijeća općine Zenica, (predsjednik);
2. Mithat Serdarević, Služba CZ (član);
3. Enes Zec, komandant profesionalne Vatrogasne jedinice, (član)
4. Admir Gazić, Načelnik PU Zenica, (član);
5. Mubera Pezo, Služba za komunalne poslove i ekologiju (član);
6. Muhamed Husremović, komandant Općinskog štaba CZ, (član);
7. Zijad Softić, Služba za društvene djelatnosti,...(član);
8. Nurka Babović, JU Centar za socijalni rad, (član);
9. dr. Ferid Alić, JU „Dom zdravlja“ Zenica, (član);
10. Aida Isaković, Stručna služba Vijeća i Načelnika, Sektor za poslove MZ-e, (član);
11. Muhsin Ibrahimagić, Forum građana Zenice, (član).

II

Forum za bezbjednost zajednice osniva se radi planiranja i poduzimanja aktivnosti na jačanju sigurnosnih kapaciteta općine Zenica u svim sferama društvenog života i rada, uključivanjem relevantnih subjekata i uspostavljanjem efikasnih mehanizama za predviđanje i reagovanje na različite oblike bezbjednosnih izazova.

III

Administrativno-stručne poslove za Forum obavljat će Stručna služba Vijeća i Načelnika.

IV

Ovo Rješenje stupa na snagu danom donošenja a objavit će se u „Službenim novinama općine Zenica“.

Broj:01-01-18726/10
Zenica, 02. 12 2010. godine

PREDSJEDAVALJUĆI
VIJEĆA OPĆINE ZENICA
Nebojša Nikolić, s.r.

93.

Na osnovu člana 22. Statuta Općine Zenica ("Službene novine Općine Zenica" broj: 4/08) i člana 51. Odluke o građevinskom zemljištu Općine Zenica ("Službene novine Općine Zenica" broj: 4/07-prečišćen tekst) Vijeće Općine Zenica, na prijedlog Uprave za imovinsko pravne, geodetske poslove i katastar nekretnina, na svojoj 24. sjednici održanoj dana 02. decembra 2010. godine donijelo je

R J E Š E N J E **o pretvaranju dijela javne površine u građevinsko zemljište**

1. Odobrava se pretvaranje dijela javne površine, koja predstavlja sastavni dio parcele označene kao k.č. (n.p.) 294zv. "Fra Ljube Hrgića", dvorište upisana kao DS SIZ Stambeno preduzeće u p.l.-u 575 K.O. Zenica II kojoj po starom premjeru odgovara parcela označena kao k.č. 86/1 zv. "Fra Ljube Hrgića iz zk uloška 557 po kulturi dvorište K.O. Zenica grad, upisana kao Opštenarodna imovina u građevinsko zemljište površine 8 m² i njeno pripajanje parceli koja pripada već izgrađenom objektu koji se nalazi u ul. Fra Ljube Hrgića br.1A u Zenici izgrađenom na parceli označenoj kao k.č. (n.p.) 293 upisana u p.l. 575 K.O. Zenica II što po s.p. odgovara k.č. 86/73 K.O. Zenica grad.
2. Ovim Rješenjem dozvoljava se promjena oblika i površine gradskog građevinskog zemljišta u K.O. Zenica II po n.p., odnosno u K.O. Zenica grad po s.p., a na parcelama označenim u tački 1 dispozitiva ovog rješenja.
3. Uprava za imovinsko-pravne, geodetske poslove i katastar nekretnina će nakon stupanja na snagu ovog rješenja i dostavljenog prijavnog lista "B" br. 69/10.g. u katastarskom operatu provesti utvrđene promjene, kako bi se površina parcele k.č. (n.p.) 294 zv. "Fra Ljube Hrgića" dvorište upisana kao DS SIZ stambeno preduzeće u p.l.-u 575 K.O. Zenica II, umanjila za površinu od 8 m², a površina parcele k.č. (n.p.) 293 upisana u p.l. 575 K.O. Zenica II uvećala za 8 m².

4. Zemljišno knjižni ured Općinskog suda u Zenici će nakon stupanja na snagu ovog rješenja i dostavljanja prijavnog lista "A" br. 69/10.g. provesti utvrđene promjene, kako bi se površina parcele k.č. br. 86/73/7 zv. "Fra Ljube Hrgića" kuća i zgrada K.O. Zenica grad uvećala za površinu od 8 m² kako je označeno u tački 1. dispozitiva ovog rješenja.
5. Rješenje stupa na snagu danom donošenja, a objavit će se u "Službenim novinama Općine Zenica".

O b r a z l o ž e n j e

Uprava za imovinsko pravne, geodetske poslove i katastar nekretnina dostavila je Vijeću Općine Zenica prijedlog za donošenje rješenja o pretvaranju dijela javne površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj: 06-23-2179/10 od 26.10.2010. godine kojim je podnosiocu zahtjeva Bajić Safudinu iz Zenice, a prema utvrđenim urbanističko tehničkim uslovima data mogućnost proširenja poslovnog prostora koji se nalazi u stambeno poslovnom objektu lociranom na parceli k.č. (n.p.) 293 upisana u p.l. 575 K.O. Zenica II što po s.p. odgovara k.č. 86/73 K.O. Zenica grad i to u ukupnoj površini od 8,04 m².

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta donosi Vijeće Općine, a stavom 2. istog člana propisano je da Ugovor sa investitorom zaključuje Načelnik Općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz stambeno poslovni objekat u ul. Fra Ljube Hrgića br. 1A, to je od Vijeća Općine, a shodno odredbama člana 51. Odluke o građevinskom zemljištu Općine Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 8 m².

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51. Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cjelosti usaglašenim s Odlukom o građevinskom zemljištu odlučeno je kao u izreci ovog rješenja.

Broj: 01-23-2179/10
Zenica, 02. 12. 2010. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.

94.

Na osnovu člana 22. Statuta Općine Zenica ("Službene novine Općine Zenica" broj: 4/08) i člana 51. Odluke o građevinskom zemljištu Općine Zenica ("Službene novine Općine Zenica" broj: 4/07-prečišćen tekst) Vijeće Općine Zenica, na prijedlog Uprave za imovinsko pravne, geodetske poslove i katastar nekretnina, na svojoj 24. sjednici održanoj dana 02. decembra 2010. godine donijelo je

R J E Š E N J E

o pretvaranju dijela javne površine u građevinsko zemljište

1. Odobrava se pretvaranje dijela javne površine, koja predstavlja sastavni dio parcele označene kao k.č. (n.p.) 779 zv. "RK Zeničanka", dvorište upisana kao posjed Općine Zenica u p.l.-u 574 K.O. Zenica II kojoj po starom premjeru odgovara parcela označena kao k.č. 2/187 zv. "M.Stojanovića" iz el. zk uloška 2404 po kulturi ek. dvorište K.O. Zenica, upisana kao Društvena svojina-pravo raspolaganja TP Progres Zenica u građevinsko zemljište površine 16 m² i njeno pripajanje parceli koja pripada već izgrađenom objektu koji se nalazi u ul. Maršala Tita u Zenici izgrađenom na parceli označenoj kao k.č. (n.p.) 780 upisana u p.l. 565 K.O. Zenica II što po s.p. odgovara k.č. 2/608 K.O.Zenica.
2. Ovim Rješenjem dozvoljava se promjena oblika i površine gradskog građevinskog zemljišta u K.O. Zenica II po n.p., odnosno u K.O. Zenica po s.p., a na parcelama označenim u tački 1 dispozitiva ovog rješenja.
3. Uprava za imovinsko-pravne, geodetske poslove i katastar nekretnina će nakon stupanja na snagu ovog rješenja i dostavljenog prijavnog lista "B" br. 40/10.g. u katastarskom operatu provesti utvrđene promjene, kako bi se površina parcele k.č. (n.p.) 779 zv. "RK Zeničanka" dvorište upisana kao posjed Općine Zenica u p.l.-u 574 K.O. Zenica II, umanjila za površinu od 16 m², a površina parcele k.č. (n.p.) 780 upisana u p.l. 565 K.O. Zenica II uvećala za 16 m².
4. Zemljišno knjižni ured Općinskog suda u Zenici će nakon stupanja na snagu ovog rješenja i dostavljanja prijavnog lista "A" br. 40/10.g. provesti utvrđene promjene, kako bi se površina parcele k.č. br. 2/608zv. "RK Zeničanka" kuća i zgrada K.O. Zenica uvećala za površinu od 16 m² kako je označeno u tački 1. dispozitiva ovog rješenja.
5. Rješenje stupa na snagu danom donošenja, a objavit će se u "Službenim novinama Općine Zenica".

O b r a z l o ž e n j e

Uprava za imovinsko pravne, geodetske poslove i katastar nekretnina dostavila je Vijeću Općine Zenica prijedlog za donošenje rješenja o pretvaranju dijela javne

površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj: 06-23-4050/09 od 12.07.2010. godine kojim je podnosiocu zahtjeva TD "Progres"d.d. Zenica", a prema utvrđenim urbanističko tehničkim uslovima data mogućnost proširenja poslovnog prostora koji se nalazi u stambeno poslovnom objektu lociranom na parceli k.č. (n.p.) 780 upisana u p.l. 565 K.O. Zenica II što po s.p. odgovara k.č. 2/608 K.O. Zenica i to u ukupnoj površini od 16,27 m².

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta donosi Vijeće Općine, a stavom 2. istog člana propisano je da Ugovor sa investitorom zaključuje Načelnik Općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz stambeno poslovni objekat u ul. Maršala Tita u Zenici to je od Vijeća Općine, a shodno odredbama člana 51. Odluke o građevinskom zemljištu Općine Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 16 m².

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51. Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cjelosti usaglašenim s Odlukom o građevinskom zemljištu odlučeno je kao u izreci ovog rješenja.

Broj: 01-23-4050/09
Zenica, 02.12.2010. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.

.....

NAČELNIK OPĆINE

95.

Na osnovu člana 61. stav 1. Zakona o namještenicima u organima državne službe u F BiH („Službene novine F BiH“, broj 49/05) i člana 36.tačka 6. Statuta općine Zenica («Službene novine općine Zenica», broj 4/08), Načelnik općine Zenica, d o n o s i

R J E Š E N J E

o imenovanju Prvostepene disciplinske komisije

I

Imenuje se Prvostepena disciplinska komisija za vođenje disciplinskog postupka protiv namještenika općinskih organa državne službe zbog povrede službene dužnosti u slijedećem sastavu:

1. Medarić Fata, predsjednik
2. Skender Džana, član
3. Kadušić Azira, član

II

Disciplinska komisija iz tačke I ovog rješenja se imenuje na period od 2 godine.

III

Predsjednik i članovi Prvostepene disciplinske komisije imaju pravo na mjesečni paušal u iznosu od po 50 KM i naknadu za svaki riješeni predmet u iznosu od po 100 KM.

IV

Ovo rješenje stupa na snagu danom donošenja i isto će se objaviti u „Službenim novinama općine Zenica“.

Broj: 02-14-17897/10
Zenica, 10.11.2010.godine

NAČELNIK OPĆINE
Husejin Smajlović, s.r.

.....

96.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, br. 34/03), člana 6. Zakona o javnim preduzećima („Službene novine F BiH“, broj 8/05 i 6/08), člana 36. i 117. Statuta općine Zenica („Službene novine općine Zenica“, broj 4/08) i člana 21. i 30. Statuta Javnog preduzeća „Vodovod i kanalizacija“ d.o.o. Zenica

(„Službene novine općine Zenica“, br. 5/06, 3/07 i 7/07),
Načelnik općine Zenica, na prijedlog Nadzornog odbora
Javnog preduzeća, donosi

R J E Š E N J E
o imenovanju Odbora za reviziju Javnog
preduzeća „Vodovod i kanalizacija“ d.o.o. Zenica

I

U Odbor za reviziju Javnog preduzeća „Vodovod i
kanalizacija“ d.o.o. Zenica, imenuje se:

1. Talić Rebija, dipl.ecc, za predsjednicu,
2. Kasap Munezaha, dipl.ecc, za članicu,
3. Hodžbo Fikreta, dipl.pravnica, za članicu.

II

Mandat predsjednika i članova Odbora za reviziju traje
4 (četiri) godine od dana imenovanja.

III

Ovo Rješenje stupa na snagu danom donošenja, a
objavit će se u „Službenim novinama Federacije BiH“ i
„Službenim novinama općine Zenica“.

Broj: 02-05-17251/10
Zenica, 2.11.2010.godine

NAČELNIK OPĆINE
Husejin Smajlović, s.r.

.....

97.

Na osnovu člana 20.stav 2. Odluke o osnivanju Javne
ustanove „Dom za stara lica Zenica“ Zenica („Službene
novine općine Zenica“, broj: 3/08) i člana 36. stav 1. tačka
6. Statuta općine Zenica („Službene novine općine Zenica
“, broj : 4/08), Načelnik općine Zenica, d o n o s i

Z A K L J U Č A K

o davanju saglasnosti na Odluku o izmjenama i
dopunama Pravila JU „Dom za stara lica Zenica“
Zenica

I

Daje se saglasnost na Odluku o izmjenama i dopunama
Pravila JU „Dom za stara lica Zenica“ Zenica, broj : 01 – 35
– 151 /10 od 17.03.2010. godine , koju je Upravni odbor
JU „Dom za stara lica Zenica“ Zenica donio 17.marta
2010.godine.

II

Ovaj Zaključak stupa na snagu danom donošenja, a
objaviće se u „Službenim novinama općine Zenica“.

Broj : 02 – 35 – 8719 /10
Zenica , 29.11.2010.godine

NAČELNIK OPĆINE
Husejin Smajlović, s.r.

.....

98.

Na osnovu člana 36. i 117. Statuta općine
Zenica („Službene novine općine Zenica“ broj: 4/08) i
člana 15. Odluke o izvršavanju Budžeta općine Zenica za
2010.g. ("Službene novine općine Zenica" broj: 3/10), na
prijedlog Službe za budžet i finansije, Načelnik općine
Zenica, d o n o s i

Z A K L J U Č A K
O ODOBRAVANJU SREDSTAVA IZ TEKUĆE
BUDŽETSKE REZERVE

I

Odobravaju se sredstva u iznosu od 50.000,00 KM na
ime pokrića većih rashoda na poziciji 614800-24 Ostali
grantovi-ostala izvršenja pravosnažnih sudskih rješenja a u
cilju realizacije Aneksa br. 1 Sporazuma o načinu isplate
potraživanja tužioca po presudi Kantonalnog suda u Zenici
br. 004-0-GŽ-08-002887 i presudi Vrhovnog suda FBiH
br. 070-0-Rev-09-001482 (potraživanja vezana za klizište
u naselju „Pečuj“) br.02-14-15086/10 od 20.09.2010.
godine, zaključenog 25.10.2010.godine.

II

Sredstva iz tačke I Zaključka odobravaju se iz Budžeta
općine Zenica za 2010.g. – "Tekuća budžetska rezerva", a
za odobreni iznos povećat će se plan sredstava u Razdjelu
11 potrošačka jedinica 111- Načelnik Općine ekonomski
kod 614800-24 Ostali grantovi-ostala izvršenja pravosnaž-
nih sudskih rješenja.

III

Za realizaciju Zaključka zadužuju se: Služba za budžet i
finansije i Stručna služba Vijeća i Načelnika.

IV

Ovaj Zaključak stupa na snagu danom donošenja, a
objaviće se u «Službenim novinama Općine Zenica».

Broj:02-14-17389/10
Zenica,05.11. 2010.

NAČELNIK OPĆINE
Husejin Smajlović, s.r.

.....

SADRŽAJ**VIJEĆE OPĆINE**

87.	Odluka o osnivanju mjesne zajednice «tišina»	1
88.	Odluka o raspisivanju izbora za savjet mz «tišina»	2
89.	Rješenje o imenovanju članova Radnog predsjedništva za provođenje izbora za Savjet MZ «Tišina»	2
90.	Odluka o dodjeli mandata kandidatima za predsjednika i članove savjeta MZ	3
91.	Rješenje o izmjeni Rješenja o utvrđivanju novih naziva ulica, bulevara, trgova i mostova	4
92.	Rješenje o formiranju bezbjednosnog foruma općine Zenica.....	5
93.	Rješenje o pretvaranju dijela javne površine u građevinsko zemljište	5
94.	Rješenje o pretvaranju dijela javne površine u građevinsko zemljište	6

NAČELNIK OPĆINE

95.	Rješenje o imenovanju Prvostepene disciplinske komisije	7
96.	Rješenje o imenovanju Odbora za reviziju Javnog preduzeća „Vodovod i kanalizacija“ d.o.o. Zenica.....	7
97.	Zaključak o davanju saglasnosti na Odluku o izmjenama i dopunama Pravila JU „Dom za stara lica Zenica“ Zenica	8
98.	Zaključak o odobravanju sredstava iz tekuće budžetske rezerve.....	8